

# 從根本佛法談解行

又名心性原理學



心性之理，微密難解，而貴實踐實證。以其有理論、有次第、有定律、有公式、有實證、有體、有用、有因、有果。乃屬於無相無為的科學，亦含有物理學、心理學、哲學，實非宗教也。因亦具宗教儀規，故社會視為宗教耳。現今科學，致力於探求自然之奧秘，探求生命之奧秘，尚未進而探求心性之奧秘。釋迦世尊早在二千五百年前，已有驚人發現，證實心性之奧秘，乃赫然為宇宙萬法之本體。蓋心性隨染為識，依之乃建立六凡法界，受惑業果報纏縛之苦，不得自在。心性純淨為智，依之則成就四聖法

界，而解脫自在，妙用無盡，即所謂法界唯心是也。心性原理，已有四藏完整說明。世尊說法四十九年，弟子慎重結集，是為經藏。修證行持，必依循戒律，是為律藏。後世賢哲分析心性之理，發明各種專論，是為論藏。中國歷代大德之遺產，有寶貴的禪宗語錄，有精闢的經論註釋，疏鈔、論集、著述、傳記、讚偈、詩頌，合稱雜藏，而豐富淵博。不但形成中國佛教的特質，更為中華國粹文化大放異彩，照耀世間。此經律論雜四藏，即今日世界佛教之寶庫，中國佛教因此在世界各國佛教中，居於領導地位。各國知

識青年，尤熱烈掀起研究與實踐。然四藏典籍浩瀚，初機每感不易入門，本文為此提供簡略綱領，若能把握重心所在，然後深入探究，於體解領悟，融會貫通，或亦有所助益歟？

中華民國六十五年四月，余紹坡敬識，時年七十五。

## 目次

|                       |    |
|-----------------------|----|
| 一、前言 ······           | 一  |
| 二、總說假空中三義 ······      | 一三 |
| 三、說明假義 ······         | 二〇 |
| 四、說明空義 ······         | 二四 |
| 五、說明中義 ······         | 四八 |
| 六、一切時一切處皆是不動道場 ······ | 五六 |
| 七、一切時一切處皆是念佛道場 ······ | 六一 |
| 八、結語 ······           | 七八 |
| 萬益大師示念佛法門 ······      | 八二 |

# 從根本佛法談解行（又名：心性原理學）

## 一、前言

佛法的總綱領，就是自覺覺他。誓願自己覺悟，復悲憫教化，導人人於覺悟，總稱發無上菩提心，循菩提大道邁進，而超凡入聖也。自覺者，證悟聖智之謂。覺他者，度諸眾生轉迷為悟之謂。自覺則隨順法性，斷惑證真，以究竟涅槃為極則。覺他則恆順眾生，饒益攝化，以圓滿大悲為願海。前者為斷生死業

縛之長流，證入清淨寂滅之性海，離一切苦得究竟樂。後者為導眾生入於正知見，而攝化眾生，成熟眾生，解脫眾生，拔苦予樂。前者謂之大智，後者謂之大悲。自覺覺他，大智大悲，乃一切經論，一切法門，一切宗系，共同的通途及宗旨。本文爰藉假空中，分別闡明以大智大悲為主體，為根本的佛法。

假者：謂宇宙萬法，乃因緣所生，諸法所集，虛妄幻化，無常無我。眾生背覺合塵，起惑造業，因業招報，致淪三界，於生死流轉，豈有止息。應知苦斷集，離相離念，斷無明，出生死，離一切苦。

空者：謂靈明湛寂，純淨無雜之真智，豎窮橫遍，含育萬法，乃眾生本具，凡聖等同。起念分別為染，染則成識，依之而建立有為法之六凡境界，是為纏縛。無分別為淨，淨則成智，依之而成就無為法之賢聖差別，即是解脫。諸佛菩薩，皆由迷而悟，從凡成聖。應慕滅修道，見性見智，證真空，入涅槃，得寂滅樂。

中者：謂依般若智，不住生死涅槃兩岸；發大悲心，憫念眾生之輪轉無期，受諸身心大苦無量逼迫。故而誓以智慧之力，遍入煩惱苦海，宣演法義，令趣

菩提，離諸纏障，恆順攝化，利樂饒益，同登覺岸，得究竟樂。乃是自行化他，大乘精神的菩薩行。

是故本文所言假者，謂虛妄事相也。所言空者，謂真如理體也。所言中者，謂智德圓用也。然文字性空，假名無實，當依義不依語。一切文字，皆是以言顯義，旨在得義實際也。

本文依以上所說原則，故以第一義空、實際理地、一真法界、寂滅性海、真如法性、諸法實相，假名為空。蓋即真空、真智、真覺、真性、真際、真常、真如、真諦、佛性、覺性、法性、法身也。以不

住生死涅槃兩岸為中，以不離本際起於大悲為中，以不取於相攝化眾生為中，以行於四攝不離般若正智為中，以教化利樂不離平等法身為中，以方便權巧不離法界一相為中，以轉妙法輪不離涅槃清淨為中，以恆順眾生不離無生真實為中。復次：以外隨世俗內契真如為中，以在塵不染隨緣不變為中，以真俗圓融理事無礙為中，以即有常空即俗而真為中，以遇境逢緣湛寂不動為中，以日應萬緣正智朗然為中，以三輪體空勤修萬行為中，以安住法性善植德本為中。以上離假（離相離念）、證空（證真空證無生）、行中（悲智

雙運理事無礙），總名般若，即是自覺覺他，大智大悲的根本佛法，亦是基本認識也。

吾人心性本自清淨，慨夫無始一念不覺，從真起妄障覆妙明，遂耽染塵勞流轉無期。故修學佛法，目的在永斷無明以解脫業障之繫縛，徹證聖智以還復本具之覺性。依此自覺，離相見性悟無生忍，永離生死不受後有，是為大智（即是空義）。以此覺他，宣演法義攝化眾生，令趣菩提悉得解脫，是為大悲（即是中義）。經無量劫悲智雙運，於因地勤修中道之行，自行化他覺行圓滿，是為無上正覺。法門雖有百千，

目的則無二致。百千法門者，乃達成目的之方法也，治病之藥也，標月之指也，敲門之磚也，渡河之筏也。世尊為適應種種根機，因機施教，而說種種法門。一切方便權巧，皆是令人入佛知見，覺悟自心。

故一切經論，皆以一乘實相為中心，皆以智悲之深淺廣狹，有為無為之差別，而闡明十界依正之所以成就與建立。故唯智唯悲，乃攝盡四聖六凡一切萬法。為智為悲，而宣演三藏五乘無量教海。在中國則以所依經論，形成八大宗。雖證入的方便各異其趣，但離假（離幻斷惑），證空（證智見性），行中（自行化他

體用不二）三義，則為一切法門之根本，亦是般若精髓所在。若論修行則唯淨土法門，最捷最穩。故言教義則重在般若。若謂即生了脫，永不退墮，則唯念佛求生淨土最可靠。況對於證無生忍（證空也），廣度眾生（行中也），圓滿菩提，亦復超越多劫也。

依離假（離幻、離妄、離相、離念），證空（證無生、證聖智、證真空、證實相），行中（無漏智性，任運無礙，拔苦予樂，行菩薩業）之義，則瞭解空由假入，中從空出。以一切利他功德，戒定淨行，乃至無上菩提，皆從般若波羅蜜出故。復次：空義攝

有戒定慧，以隨順法性，斷惑證真，六度一體故。中義攝有四攝法，以恆順眾生，饒益攝化，大悲為體故。

一切時一切處皆是不動道場者：謂既圓融解悟離假，證空，行中之義。則在日常生活行持中，應隨緣體驗的不變義也（善照諸幻隨緣不變）。

不染義也（歷境驗心在塵不染）。  
無住義也（動靜如如心無所住）。  
離垢義也（妄境妄心皆為幻垢）。  
緣生義也（無常無我虛妄幻化）。

空華義也（雲翳空華幻不可得）  
不二義也（萬法如如體用不二）  
一如義也（境智一如自在無縛）  
平等義也（諸法平等無有二相）  
無礙義也（日用隨緣理事無礙）  
湛寂義也（遇境逢緣湛寂不動）  
無生義也（諸法所集即生無生）  
無為義也（念念無相念念無為）  
法性義也（諸法平等寂滅湛然）  
正見義也（法本不生心無起滅）  
。 。 。 。 。 。 。 。

清淨義也（心性本來清淨無染）。  
自在義也（心常湛然應用自在）。  
虛空義也（心如虛空平等不動）。  
明鏡義也（猶如明鏡空洞虛豁）。  
覺照義也（念起即覺覺而常照）。  
定慧義也（即定常慧即慧常定）。  
智用義也（應用諸根不染萬境）。  
圓融義也（體用如如真俗圓融）。  
實際義也（日應萬緣不離實際）。  
般若義也（正智能遣虛妄顛倒）。

。 。 。 。 。 。 。 。 。

空慧義也（空慧能斷貪瞋煩惱）。

第一義也（觸目遇緣皆第一義）。

道場義也（隨時隨處皆是道場）。

以上諸義，圓融貫通，應用於日常生活中，凡行住坐臥，對境隨緣，皆是體驗的機會。生活不離般若，則日漸理事圓融，智慧增進，消化受用，身心自在，而臻於一心不亂矣。

一切時一切處皆是念佛道場者：在未見性以前的修習階段，須具有四項條件。一者，要有指導的明師。二者，要有增益的淨侶。三者，要有寂靜的環

境。四者，要有安定的道糧。極樂世界有阿彌陀佛為導師。有諸上善人為淨侶。有莊嚴的微妙勝境。有自然的衣食居處。乃熏修求悟之增上勝緣，疾得證入無生法忍，且即生了脫，登不退地。故以如如不動，念念正住，而一心持名，為菩提道，求生淨土也。

## 二、總說假空中三義

宇宙萬法，皆具假空中三義，故一切法的當體，即假即空即中，即一即三，即三即一。經云：所言一切法者（假），即非一切法（空），是故名一切法

(中)。論云：因緣所生法，我說即是空，亦名為假名，亦名中道義。

假者：一切萬法，緣生無性，無常無我，虛妄幻化，如夢幻泡影，如水月鏡花，如清淨光明之眼，為雲翳覆障，而幻現空華。眾生不如實知，迷真逐妄，馳逐不已，妄見生滅。日用念念，認妄為真，作有漏業，積業成果，因果旋轉，無有止息，即是六道流轉根本，是為假義。

空者：謂離相離念也（離妄境妄心，妄窮則真露），謂真如理體也，亦即宇宙萬法之本體也。了知

世間萬法，皆因緣所生，乃妄識所現，著之則起無明煩惱，而隨生死流轉。若心不住不染不動不變，遠離幻妄，歸趣真如，平等一相，湛然清淨。由三摩地證入寂滅性海，得大解脫，不受後有，是為空義。

中者：了知緣生無性，空華非實，以不住不染之心，於日常生活中，安住法性空，處事接物，不隨境轉，不為相縛。發大悲心，方便攝化，饒益有情，而理事無礙，真俗圓融，體用如如，應緣自在。循菩提道，福慧雙修，圓滿覺行，成就大覺，是為中義。

諸法緣起故自性空，自性空故遇緣即生。眾緣生

故無有自體，諸法所集即生無生。無性無生同一法性，平等寂滅湛然清淨。一切眾生無明覆障，正智不生妄見生滅。種種顛倒全真成妄，惑業果報枉受沉淪。當從諸法本不生處，逆流返照如如之性。隨順無染究本窮源，深入法性寂滅真境。一念頓脫豁然開朗，身心俱寂理智皆如。覺悟本源倒想自離，生死永盡解脫自在。因空有假由假顯空，空假對待當體即中。真俗圓融即事即理，觸目無生逢緣無礙。行於大乘上求下化，悲憫饒益行菩薩業。內證聖智以脫生死，外導萬行以入願海。同體之悲無緣大慈，般若空

慧之所成就。說法不離菩薩實際，而現住世凡夫境界。度生不離平等一相，而現世間差別境界。般若即是諸佛之母，自覺覺他總持之門。大智大悲圓證圓修，邁向大覺圓滿佛果。（此段文總說假空中）

若祇見緣生諸法「假」的一面，以幻化空華為實有，遂迷真逐妄背覺合塵，入於色聲香味觸法，因惑業果報之繫縛而流轉生死者，是為「不覺凡俗」。

若見緣生諸法「即假而性空」的二面，知幻即離不住六塵，隨順法性斷惑證真，遠離顛倒夢想，入於究竟涅槃，而得解脫自在，寂滅常樂者，是為「自覺」。

聖者」。

若見緣生諸法「即假即空即中」的三面，不受一塵不捨一法，不隨生死不住涅槃，不離本際不捨大悲，遍入煩惱大苦海中，恆順眾生饒益攝化，為說法義令發菩提，普勸念佛往生淨土，盡出五濁咸登九蓮，度諸有情悉得解脫，依般若智理事無礙，經無量劫上求下化，覺行圓滿福慧具足，而得阿耨多羅三藐三菩提者，是為「無上正覺」。

是故根本佛法，有三大原則。

一者：緣生無性，幻化空華，乃妄識所現，無生

而生。當觀察無常，離相離念，了達假義。

二者：法性寂滅，法身無相，故淨智妙圓，靈明湛寂。當隨順無染，證智證真，體悟空義。

三者：入於涅槃，不捨大悲，誓廣行四攝，圓修萬行。當拔苦予樂，理事無礙，圓融中義。

佛法的總綱領，即是證智與度生。即是自覺與覺他。即是大智與大悲。即是空義與中義。即是修慧與修福。即是上求大覺與下化眾生。即是「隨順法性，徹證聖智，以解脫自在」與「恆順眾生，饒益攝化，願同登覺岸」。即是「仰助道因緣，悟無生忍，入佛

知見」與「以智力願力，遍入塵刹，度脫眾生」。即是發無上菩提心。即是自行化他行菩薩道，願與法界一切眾生，同圓無上菩提。任何經論，任何宗系，任何法門，乃至十方諸佛菩薩，西方阿彌陀佛，皆是同此宗旨，同此菩提大道。

### 三、說明假義

假者，生滅門也、事也、相也、色也、境也、俗諦也、六塵也、幻化也、幻法也、假名也、染法也、因緣所生法也、對待法也、眾緣假合也、諸法所集

也、相依相成也、一切法也、有為法也、世間法也、空中華也、夢幻泡影也、水月鏡花也、石火電光也、妄識所現也、無自體也、無自性也、無常無我也、緣生緣滅也、即假即空也、同一法性也、皆不可得也、凡所有相皆是虛妄也。

論云：未嘗有一法，不從因緣生，是故一切法，無不是空者。

諸法從本無生無滅，本來空寂本自涅槃。三界萬法無性緣生，因緣假合相依相成。因不自起仗緣方生，緣不自成助因而有。以此生故而有彼生，以此滅

故而有彼滅。因緣和合虛妄有生，因緣別離虛妄名滅。緣聚則生生非實生，緣散則滅滅非實滅。眾緣生故即無自體，幻緣假合當體即空。法法如幻幻有非有，有非有故生亦非生。觀諸法相性空非有，無有常住亦無堅實。內而身心外而世界，畢竟幻化皆不可得。我今此身四大假合，和合為相實同幻化。無常不淨身見顛倒，假名字故我不可得。一切眾生及諸資具，皆由業力之所幻故。凡所有法無非是幻，因緣和合之所幻故。如鏡中像如水中月，如空中雲如夢所見。心唯境生境唯心有，不離自心虛妄見故。依於有

為觀察無常，緣起即空即生無生。依幻立名皆無自性，猶如空華畢竟幻化。萬法本虛從心見實，六塵本寂凡夫妄執。了世如幻知身非實，住無分別萬緣自寂。凡愚攀緣事相差別，起惑造業枉受生死。聖智所見法性平等，識幻達本解脫自在。不隨緣生不隨緣滅，安住法性湛然清淨。解悟緣起法相空寂，即了無生證入真性。生而無生滅而無滅，無生無滅即是道場。菩薩了知萬法無生，即得成就諸菩薩道。是故發心出離生死，首在識破無邊幻法。了達名假受假法假，方契無上解脫之道。

#### 四、說明空義

空者，宇宙萬法之本體也、真如門也、覺性也、  
理體也、法性也、真智也、聖智也、斷德也、絕待  
也、真性也、真際也、真諦也、實相也、無相也、勝  
義諦也、無生法也、無為法也、無所得也、清淨心  
也、清淨覺體也、純淨無雜也、淨法滿足也、彌滿清  
淨也、一塵不染也、不取於相也、即相離相也、無漏  
智性也、心無所住也、諸相非相也、不住六塵也、諸  
法如義也、第一義空也、諸法實相也、真如理體也、

平等一如也、本無一物也、如如不動也、捨識證智也、離句離非也、真空絕相也、湛然常寂也、實際理地也、唯此一事實也、寂滅真境也、不生不滅也、非斷非常也、六根不染也、六識不行也、言語道斷也、心無行處也、根塵雙脫也、真智純淨也、自心寶藏也、虛空法界也、毗盧性海也、畢竟空也、般若波羅蜜也、境識俱亡也、離心意識也、徹悟自性也、證無生忍也、清淨法身也、登堂入室也、空而不空也、妙性天然也、空慧能生中也、中之所從出也。

空者，真如理體也。真如境界，非世智辯聰之所

能知，非意識分別之所能到。亦非思考推理，亦非見聞覺知。乃絕諸對待攀緣，離於戲論能所。不生不滅無依無住，非斷非常無取無捨。離言語名字心緣等相，言語道斷心行處滅。非垢非淨湛圓無相，平等一如寂靜一味。體同虛空量周法界，無漏無為無量無邊。差別之相了不可得，湛然常寂妙用恆沙。自在無縛圓融無礙，舉心動念即乖法體。言其體則清淨寂滅，言其用則圓明朗照。寂而恆照照而恆寂，即是如如本源覺性。

以下舉種種義，藉以闡明般若空義。

生滅心滅，寂滅現前。即是空義。  
諸幻滅盡，非幻不滅。即是空義。  
知幻即離，離幻即覺。即是空義。  
攝用歸體，生而無生。即是空義。  
我法空故，入於真性。即是空義。  
境識俱亡，心行路絕。即是空義。  
遠離諸幻，心無所住。即是空義。  
緣起性空，寂靜一味。即是空義。  
離心意識，覺心常住。即是空義。  
識幻達本，妄念不流。即是空義。

境風吹來，覺心不動。即是空義。  
諸法性相，平等一如。即是空義。  
不取於相，如如不動。即是空義。  
緣生無性，萬境如如。即是空義。  
萬法一相，一相無相。即是空義。  
應無所住，而生其心。即是空義。  
離一切諸相，則名諸佛。即是空義。  
若見諸相非相，即見如來。即是空義。  
諸法如如之義，即是如來。即是空義。  
如來說一切法，皆是佛法。即是空義。

真淨法界性相平等，恆沙諸法同一體性。即是空義。  
根塵盡離能所皆泯，則盡法界皆是法性。即是空義。  
隨順湛然離言法性，證入究竟真實智慧。即是空義。  
泯一切對待差別相，安住平等一如之性。即是空義。  
法本不生今亦無滅，諸法本空假名亦空。即是空義。  
一切萬法從本以來，清淨寂滅本自涅槃。即是空義。  
緣生無性平等一相，生而無生法性湛然。即是空義。  
諸法所集即生無生，有為諸法皆是假名。即是空義。  
緣生如幻空無自性，畢竟無體即是無生。即是空義。  
契入平等無二之性，正智解脫心得自在。即是空義。

隨順法性寂滅相者，於生滅中唯見無生。即是空義。  
離諸對待戲論能所，無所得故無縛無解。即是空義。  
知見不生心識寂滅，智慧光明遍照法界。即是空義。  
無始無明斷除淨盡，真如法性徹底圓彰。即是空義。  
見聞覺知無不湛然，一切時中了無所得。即是空義。  
心性無染諸緣自息，妄念不起寂滅常樂。即是空義。  
於諸法中不生二解，諸法平等本自如如。即是空義。  
覺諸相空心自無念，但能無心境自不現。即是空義。  
萬法一如畢竟平等，寂滅湛然常住不動。即是空義。  
不著於相不取無相，心如虛空平等寂滅。即是空義。

離分別故平等普遍，言語道斷心行處滅。即是空義。  
法性寂滅平等一如，湛圓無相無有差別。即是空義。  
深入法性寂滅真境，一念頓脫徹了自心。即是空義。  
了物非物物物性空，知心無心心心體寂。即是空義。  
能所盡脫境智俱泯，絕待靈心圓明獨朗。即是空義。  
不住色聲香味觸法，則離罣礙煩惱心緣。即是空義。  
六根不染六識不生，真如性淨慧鑒無窮。即是空義。  
心性離見智慧光明，遍照法界即諸法性。即是空義。  
前後際斷不落差別，真如妙性法爾恆遍。即是空義。  
念念正住了不可得，念念不迷清淨本然。即是空義。

念念無相念念無為，直下無心頓契靈源。即是空義。  
念念不生念念不滅，不生不滅即是道場。即是空義。  
現前一念靈知性體，性等虛空體同法界。即是空義。  
真空性中本無一物，性自本淨體離斷常。即是空義。  
遠離虛妄幻化之相，體驗諸法不生滅性。即是空義。  
對待諸法其性無二，無二之性即是佛性。即是空義。  
諸法實性真如一體，真境無相真智無知。即是空義。  
絕待空性畢竟寂滅，清淨如如無障無礙。即是空義。  
法性本寂無取無見，動靜如如解脫自在。即是空義。  
深入無生盡諸能所，生滅俱盡發本明耀。即是空義。

知幻即離不住六塵，隨順諸法平等之性。即是空義。  
知境非實不隨境轉，心常湛寂慧日自現。即是空義。  
心性無染諸緣自寂，性自清淨即是菩提。即是空義。  
境不自境由心而有，心離於妄境界則滅。即是空義。  
三界虛幻唯心所現，離心則無六塵境界。即是空義。  
以幻化身而見幻化，正住平等其心自寂。即是空義。  
境智俱寂湛然一心，一念頓脫豁然開朗。即是空義。  
根塵相對故有識生，根塵俱離一切皆如。即是空義。  
煩惱菩提生死涅槃，平等之性無二無別。即是空義。  
念念不住即無繫縛，八法之風不動如來。即是空義。

一切萬法即是實相，有為無為等同虛空。即是空義。  
諸法空性本自寂滅，清淨覺體本自如如。即是空義。  
若離幻妄顛倒戲論，則無真如法性可說。即是空義。  
依於妄心故說為空，若離於妄實無可空。即是空義。  
以言顯義得義言絕，清淨覺體畢竟無說。即是空義。  
真如之理涅槃之體，於中無說無示無聽。即是空義。  
如如法性相如實際，如是性相名大涅槃。即是空義。  
入於平等寂滅深義，永盡諸漏心得解脫。即是空義。  
窮理盡性極乎涅槃，湛然常寂妙用恆沙。即是空義。  
法性無量如大海水，圓無邊際三際平等。即是空義。

無邊虛空覺所顯發，心包太虛量周沙界。即是空義。

一念多劫多劫一念，如是行解其心自在。即是空義。

真如本際寂然無跡，無相可取唯證相應。即是空義。

於性空中而無所求，甚深忍中皆不可得。即是空義。

空者，諸法實相也。謂不住於相名為得入，非謂

斷滅也。謂無心於境名為得入，非謂頑空也。於境生

心，則為境所轉，為相所縛。所謂逐相則昧體，取境

則遺真，染著則障性，合塵則背覺也。眾生著相迷

性，而起貪瞋煩惱，由無明而生一切染法，起惑造業

因業感果，遂淪入生死流轉枉受諸苦，無由自拔亦不

覺知。若了達緣生如幻，空華非實，於生滅中唯見無生，則不住不著不動不染，則無一切貪瞋癡心，則一切法皆空，則一切法不可得，則一切法無非真如，則一切法盡是法性，則萬境如如念念正住，則心常湛然應緣自在，則無明煩惱不生，顛倒夢想不起。進而深入寂滅真境，則得大智慧大自在大解脫也。

心有所住，便是不空不如，便是對待差別，便是煩惱繫縛。心無所住，便是空義如義，便是平等一相，便是菩提解脫。故謂：心行處有是生死業心，心行處滅乃常住真心。一念心生即入三界，一念心滅即

出三界。執幻則隨生死之流，了幻則順涅槃之道。幻化不離真空不現，知幻即離離幻即覺。故隨迷染之緣，則被業障繫縛沉淪五趣。若順悟淨之緣，則得自在解脫受用無盡。

空者，真如理體，清淨覺性也。說明覺性，當先明本覺，次明不覺，後明始覺。證悟之後，復經恆沙劫，於因地悲智雙運拔濟眾生，上求下化成無上覺。

言本覺者，眾生心體從本以來，自性清淨體自如如。本不生滅本來圓明，一切善法性本自具。本覺性海平等本際，靈明湛寂圓照法界。絕待真如彌滿清

淨，法體無妄常恆不變。清淨妙德無漏智性，豎窮橫遍含育萬法。體性空寂無名無相，湛然常寂妙用恆沙。世尊曾謂一切眾生，皆具如來智慧德相。祇為無明蓋覆真如，不能顯現本具寶藏。智慧了之則光明顯，煩惱覆之則妙體隱。未證為性已證為智，迷染為凡悟淨為聖。迷時非失悟時非得，處凡不減在聖不增。緣生無性凡聖平等，無性緣生十界懸殊。眾生與佛同此覺體，祇因迷悟而隔天淵。生死大夢隨倒想生，如從夢覺此心即佛。能修無住無相之行，心性無染虛明湛寂。生滅俱盡真智純淨，平等大慧當下現

前。

言不覺者，一切眾生從無始來，以不了達一法界故。不守自性忽然念起，背覺合塵迷真逐妄。是為無明亦名七識，專計執我往來六八。儲進傳出障覆真如，無明能生一切染法。以不覺故現妄境界，依妄境界起妄想心。種種妄執計我我所，攀緣幻境心境交馳。日用念念認妄為真，由貪瞋癡發身口意。起惑造業因業招報，幻業幻報因果流轉。生死相續眾生相續，即是六道流轉根本。當知心識皆是無明，一念離真皆為妄想。妄想凡情障蔽妙明，念念生滅遺失真

性。以從本來妄念相續，歷劫污染未曾離念。習氣種子萬劫纏縛，耽染塵勞受苦無間。三界無安猶如火宅，不知返本唯業隨身。若離煩惑背塵息妄，念起不續念空不住。清淨覺體即時現前，譬如翳除自復本明。無明煩惱斷除淨盡，智慧光明得以圓彰。

言始覺者，智者了達一切萬法，本自不生亦無有滅。緣起性空幻有非實，緣生緣滅無常無我。三界萬法唯識所現，離識則無六塵境界。一切世間境界之相，皆依妄識所現幻影。能知身心無明之妄，應當遠離生滅幻化。從一切法本不生處，逆流返照平等之

性。深入法性寂滅真境，體悟如如本來面目。一念不起即是無生，萬法一體悉歸真淨。真如本體即如如理，觀照妙用即如如智。依本覺理起始覺智，以始覺智照本覺理。前念已滅後念未生，中間靈靈能觀之智。觀此本淨無念之境，即寂而照即照而寂。是為離念而後圓照，即是圓照清淨覺相。心緣外境攝之令還，念起即覺覺之即無。即此覺心便名為觀，雖起覺心亦無覺相。所言覺者謂心離念，覺而常照照而常覺。以鏡喻體鏡光喻智，依鏡起光返照鏡體。鏡光不二理智一如，體即用也用即體也。又如暗室暗本無

性，燈光一明暗相即滅。真智一照無明自消，全體即是大光明藏。機緣成熟前後際斷，身心頓寂雲開天朗。理智皆如體同虛空，自心智光發本明耀。靜慧發生圓照明徹，使得身心輕安自在。不生法愛不生戲論，亦不可生有所得心。有照有覺仍屬情識，同為空華俱名障礙。若有能觀猶未離幻，次第遣除真體自顯。真境無相真智無知，即境即智即智即境。妄窮真露寂滅現前，親證藏性六根通利。心言絕處圓明朗照，智慧光明妙用無盡。靈靈不昧湛然無際，瓜熟蒂落冷暖自知。若是利根則能超越，直下無心遇境不

住。一超直入頓悟頓斷，不立階級證無生忍。如實證知諸法當體，如如之義即是如來。客塵煩惱從此永滅，歷劫無明自然淨盡。清淨性中湛然常寂，無背無向無依無住。無迷無悟無縛無解，無人無我無能無所。無是無非無違無順，無名無相無取無捨。知一切法即心自性，知一切法即是道場。一為無量無量為一，心境不異無二無別。能證所證畢竟空寂，真如涅槃亦不可得。絕待空性湛寂無際，覺性遍滿清淨法界。靈明洞徹恆常不變，即是本源清淨覺性。

略舉同體異名：無住真心、圓覺妙心、一真法

界、平等法身、平等本際、圓成實性、真如本際、涅槃妙心、妙覺明體、大覺圓明體、寂滅性海、妙明真心、大光明藏、第一義諦、諸法實相、大圓鏡智、本來面目、不二法門、一心妙性、本際、實際、實智、聖諦、聖智、真智、真空、法身、佛性，皆與清淨覺性同體而異名也。

金剛經云：「如來說一切法皆是佛法」。其義云何？1.以諸法如如之義即如來故。2.以諸法緣起即生無生故。3.以一切法皆同一法性故。4.以一切法當體即是第一義空故。5.以一切法本不生滅故。6.以一切

法即非一切法故。7.以一切法即是真實義故。8.以一切法平等無差故。9.以一切法即一真法界故。10.以一切法即是不動道場故。11.以一切法無有二相故。12.以一切諸相即是非相故。13.以離一切諸相則名諸佛故。14.以一切法即同真際故。15.以一切法畢竟寂滅故。16.以一切法即是諸法實相故。17.以一切法自性涅槃故。18.以有為無為性等虛空故。19.以一切法與佛法悉皆如故。20.以世間境界即是如來實際境界故。21.以一切法皆不可得故。22.以一切法即自性寶藏故。23.以入於法性寂滅即契靈源故。24.以境識俱亡則智慧覺性得以開

顯故。25.以正智朗然心得自在故。26.以盡諸有漏心得解脫故。27.以湛圓無相常享法樂故。28.以念起法生現妄境界（從真起妄）融攝諸法原一真性故（攝妄歸真）。

若於事中見理，則悟即事即理。若見生死性，則無生死，亦無縛無解，蓋生死性空，與涅槃無二，故謂生死即涅槃。若見貪瞋無明煩惱，與菩提空性平等無二，則悟煩惱即菩提，無明實性即佛性。依此類推，則知一切幻化妄相，即是真如實相。非離現實另覓菩提涅槃。而清淨性中亦無菩提涅槃可得，以心識

寂滅言語道斷故，以境智俱泯心無行處故。

諸法空故，入於真性，真體非空，以湛然常寂，妙用恆沙也。以靈明湛寂，圓照法界也。以淨智妙圓，應用遍知也。以寂而恆照，無法不現也。

真如法身自體非空，以具足無量妙義，法界海慧也。法爾具足諸佛知見也。涅槃具足常樂我淨四德也。

涅槃四德：常德者，大智慧光也，以涅槃無生，能生般若故。樂德者，大寂滅海也，以煩惑斷盡，寂滅永樂故。我德者，大自在性也，以性不變異，無障

無礙故。淨德者，大解脫法也，以離諸垢染，無縛無脫故。簡言之，即常照，常寂，自在，解脫，四義也。

### 五、說明中義

中者：1.以般若空慧圓融有為諸法也。2.一切法本不生，於無生中不礙無性緣生也。3.差別中見平等，平等之性無礙千差萬別也。4.於幻化而不執不惑，於理體而不昧不迷也。5.於妄相而不住不染，於真如而不動不變也。6.不壞於相，不廢於事，事相還

是虛妄事相，世間還是無常世間，而不障於真性，亦無礙於自在也。7.於現實生活中，湛然常寂，心得解脫也。8.於世間法中，動靜一如，應緣自在也。9.事中見理，理不礙事，不為境轉，不為相縛，不障於性，不遺於真也。10.能如是者，則觸目無生，逢緣無礙，遇境咸真，萬法皆如，即世間境界，便是出世法也。11.有理有事，有體有用，而理事無礙，體用不二，境智一如，性相平等，真俗圓融也。12.即是智德、智用、妙用、圓用也。於日常生活中，凡對境隨緣，處事接物，體驗領悟，圓解法義，或淺或深，有

所融會，自得受用。

真俗圓融，理事無礙。是為中義。  
外隨世俗，內契真如。是為中義。  
在塵不染，隨緣不變。是為中義。  
即有常空，即俗而真。是為中義。  
遇境逢緣，湛寂不動。是為中義。  
心常湛寂，應用自在。是為中義。  
應用諸根，不染萬境。是為中義。  
日應萬緣，正智朗然。是為中義。  
隨緣任運，自在無礙。是為中義。

儼然生滅，唯見無生。是為中義。  
差別相中，見平等性。是為中義。  
事中見理，即事即理。是為中義。  
境智一如，即生無生。是為中義。  
性相平等，體用如如。是為中義。  
觸目無生，逢緣無礙。是為中義。  
動靜如如，應緣自在。是為中義。  
用而常空，空而常用。是為中義。  
自覺覺他，悲智雙運。是為中義。  
上求大覺，下化眾生。是為中義。

自行化他，體用不二。是為中義。  
福慧雙修，境智一如。是為中義。  
安住法性，行菩薩業。是為中義。  
以清淨心，行諸善法。是為中義。  
自淨其意，眾善奉行。是為中義。  
應無所住，行於布施。是為中義。  
三輪體空，勤修萬行。是為中義。  
不離真際，攝化有情。是為中義。  
般若空慧，成就大悲。是為中義。  
解第一義，行於大乘。是為中義。

通達法性，說法利生。是為中義。

空而不空，不空而空。是為中義。

饒益攝化，皆是不動道場。是為中義。  
行於四攝，不離般若正智。是為中義。  
方便權巧，不離法界一相。是為中義。  
教化利樂，不離真如本際。是為中義。  
宣演法義，不離涅槃清淨。是為中義。  
拔苦予樂，不離菩提智慧。是為中義。  
恆順眾生，不離無生真實。是為中義。  
善能分別諸法相，於第一義而不動。是為中義。

不隨生死不住涅槃，平等饒益攝化有情。是為中義。  
不受一塵不捨一法，恆轉法輪成熟眾生。是為中義。  
證無生已起於大悲，遍入塵刹行菩薩道。是為中義。  
法性寂滅法身無相，圓修萬行荷如來業。是為中義。  
雖入涅槃不捨大悲，方便教化不離本際。是為中義。  
內證聖智以脫生死，外導萬行以入願海。是為中義。  
圓融慧解以深其智，具足悲行以廣其福。是為中義。  
深解法性成就慧身，攝化有情長養悲心。是為中義。  
從真入俗說法利生，福慧雙修圓融無礙。是為中義。  
安住平等一如之性，利樂悲憫拔濟眾生。是為中義。

說法不離菩薩實際，外現住世凡夫境界。是為中義。

度生不離平等一相，外現世間差別境界。是為中義。

理乃心性不變之體，事即心性隨緣之用。是為中義。

心佛眾生三無差別，一切眾生畢竟成佛。惟五趣  
有情，從無始來，無明熏習令心生滅，念起法生污染  
真性，起惑造業因果流轉，枉受一切身心大苦，而不  
覺知。我今誓發大悲心願，盡未來際行於大乘，解第  
一義，通達法性。以智力願力，遍入煩惱苦海，興無  
緣慈，運同體悲，平等饒益一切眾生，利樂拔濟一切  
眾生。恆順悲憫，廣行四攝，淨化眾生，成熟眾生。

隨其根性，為說法義，令趣菩提，離諸纏障，厭生死苦，求涅槃樂。盡出五濁，咸登九蓮，同證無上菩提。依般若智化度眾生，而不取於相，如如不動。華嚴經云：因於眾生而起大悲，因於大悲生菩提心，因菩提心成等正覺。若不發大悲心廣度眾生，終不能成無上正覺。

### 六、一切時一切處皆是不動道場

智者已了達，虛妄幻相之當離，真如理體之當證，智德圓用之當持，即知隨時隨處皆是法性，皆是

不動道場。夫一切有為法，皆因緣所生虛妄非實，諸法所集幻化而有。眾緣假合空無自性，即假而性空，緣生即無生。萬法從本空寂非有，皆同一法性。法性湛寂、法順於如、法住實際、法界一相、法無行處、法無起滅、法無取捨、法無戲論、法性常住、法性平等、法性無生、法性無量。如是體察領悟，住於如如正知見，於第一義而不動。清淨性中，本無一物，本無雜染，體自如如，性本解脫。

宇宙萬法本不生滅，六塵境界空寂非有。是不動義。  
清淨覺性妙圓湛寂，真如本際清淨寂滅。是不動義。

見聞覺知無非法性，行住坐臥真如一體。是不動義。  
語默動靜正住平等，對境隨緣皆是般若。是不動義。  
一一諸境一一諸心，當處寂滅即是道場。是不動義。  
隨時隨處無心無為，動靜如如性常自在。是不動義。  
常在法性覺照之中，隨緣應用如幻為幻。是不動義。  
空華幻境唯識所現，翳除識捨法眼清明。是不動義。  
妄念不起外境常虛，了境性空其心自寂。是不動義。  
終日隨緣不被境轉，心恆寂靜湛然不動。是不動義。  
日應萬緣不取於相，心境一如寂用自在。是不動義。  
日常生活心無起滅，空而常用用而常空。是不動義。

但使六識出於六門，於六塵中不染不著。是不動義。  
常使其心虛明洞徹，如鏡照物隨緣映現。是不動義。  
善照諸幻無常無我，分別一切湛寂不動。是不動義。  
境不自境由心而有，離心則無境界之相。是不動義。  
應用諸根不染萬境，心境一如正智朗然。是不動義。  
當淨其意猶如虛空，心常湛寂應用自在。是不動義。  
一切時中寂照如如，自然得契清淨心體。是不動義。  
念念圓明清淨本然，自心本來乾乾淨淨。是不動義。  
真俗圓融理事無礙，遇境咸真萬法皆如。是不動義。  
隨順眾緣事中見理，念念無生觸事全真。是不動義。

知一切法本無所有，知一切法妄識所變。是不動義。  
見一切法本不生滅，見一切法性相平等。是不動義。  
念念不住對境寂然，清淨無染即是修行。是不動義。  
虛空法身無二無別，虛明氣象浩然無際。是不動義。  
照體本空而能顯物，心體靈知湛寂不動。是不動義。  
猶如虛空平等不動，覺性遍滿清淨法界。是不動義。  
定是慧體慧是定用，從定起慧將慧歸定。是不動義。  
即定常慧即慧常定，定慧等持寂用自在。是不動義。  
般若當於生活事相中求體驗，生活當從般若中得  
受用。生活不與般若脫節，般若要與生活成片。若是

脫節，則仍然停留在生滅、垢染、虛妄、凡俗、無明、煩惱、纏障、繫縛的一面。若是成片，則日漸與真如、法性、菩提、正智、空慧、淨法、斷德、解脫相應。

### 七、一切時一切處皆是念佛道場

十方大覺聖者，過去因地為菩提道故，經無量劫勤修一切諸行願海方成正覺。吾人修學佛法，目的亦是邁向菩提大道。但娑婆濁世壽命短促，惡緣纏繞眾苦逼迫。是故末法自證為難，更如何言度眾生耶？未

能悟者仍落三界，識心未盡總屬輪迴，煩惑未斷轉生即迷。若謂有種子可恃，但未來生中，遇緣有先後，境緣有強弱，一切種子習氣業力皆有深淺。欲斷盡煩惑自證無生者，則從劫至劫猶恐仍處纏縛也。唯以專一念佛因緣，為無上菩提道故，求生西方淨土，仗佛攝護帶業往生，承佛願力得不退轉。印光大師云：仗自力證悟，必須斷盡煩惑方出三界，若仗佛力祇須信願行，即可高登佛國，煩惑不期斷而自斷。在安全的莊嚴的佛淨土，歸命彌陀大導師，親近諸菩薩眾，既得熏聞佛乘，必然易開佛慧。較之自力證悟，乃穩當

而超越也。

自念過去無始以來，所作惡業無量無邊，若此惡業有體相者，盡虛空界不能容受，故而久經長劫沉淪三界，受諸苦惱無由自拔。願我今惟以清淨身口意，如親在西方面對彌陀如來及諸聖眾，恭敬禮拜至誠懺悔，恆住淨戒永不復造。於一切時一切處，深信切願專勤持名，為無上菩提道故求生淨土。當以洪名為繫心之境，如子憶母，如面聖容，一心繫念於佛。念念悲痛身陷火宅，全憑信願誠懇念佛出苦。念念悲痛身淪業海，唯賴彌陀慈誓攝受能救。字字句句，從心而

發，從口而出，從耳而入。了知一切順逆苦樂之境，乃至見聞覺知，無非法性，使身心安住於法性中而念佛，安住於念佛聲中而耳聽（萬法歸一），若一根返源，則六根總攝，六識不行。能念之心自能靈靈不昧，所念之佛自能歷歷明明。心不離佛，佛不離心，不為內惑外境所散亂，一心效法愚夫愚婦功夫，最為踏實。蓋愚人能做到一信不疑，念佛不間，專一不二，雜念不起，遇境不動，一切不知，以無煩惱所知二障，故多數皆感應道交，預知時至。印光大師云：祇要真信切願，至誠念佛，專精不二，無不往生。

堅信唯有阿彌陀佛，始能垂手救拔於我，即遭遇任何折磨或任何誘惑，決不動搖此心。念念迫切願生極樂，速離娑婆。如是至誠恭敬憶念佛念佛，或聲或默，不急不緩，綿綿密密，念念相續，令無間斷，自得感應道交，決定往生。楞嚴經云：憶佛念佛，現前當來，必定見佛，去佛不遠，不假方便，自得心開。

念性本空，能念所念，如幻如化，能所皆無自性，故終日念，而未嘗念也。即念無念，無念而念，能所兩忘，心佛一如，則妙慧相應，三昧現前。

所念之佛，即眾生本覺理體，能念之心，即始覺

之智。始本合一，心佛不二，則一念實相，一念是佛，念念實相，念念是佛。

一句彌陀名號，體即法界，壽窮三際，光遍十方。故念一句阿彌陀佛，無所不遍，念念遍徹無邊刹海，念念普周虛空法界。全心是佛，全佛是心，了境唯心，了心即佛。十方淨土現於一心，一心遍於十方淨土。境寂心空頓契靈源，外遺世界內脫身心，三昧現前，則無量妙義咸皆具足。

要信自心是佛。觀經云：是心作佛，是心是佛。故持佛名號，觀佛依正，即為作佛。心想佛時，是心

即是三十二相，八十種好。念念不忘，心心無間，淨念若極，則根塵頓脫，便離分別，契入第一義空，無心無為，佛亦不可得。

若未入定位，仍繫心所緣。（萬法歸一也，萬法一相也，萬念歸於一念也，依倚拐杖也）。已入定時，則不繫於境。（一歸無所得也，一相無相也，放下拐杖也，放身直下撤手縱橫也。就是歸真空本體、歸自心寶藏、歸平等本際、歸不生不滅、歸虛空法界、歸毗盧性海，謂清淨法身遍一切處也）。

若了知萬法從本以來，本自涅槃，本不生滅，湛

然寂滅，平等一相，則心不馳散，正好攝心念佛。若達有如幻，知是空華，即境常虛，不見起滅，則無一切境界之相，正好攝心念佛。若解緣生性空，唯識所現，了世危脆，夢幻非實，離人我見，與世無諍，如是觀察，其心自寂，正好攝心念佛。若識幻達本，不住不著，在塵不染，隨緣不動，則語默動靜，無不湛然，正好攝心念佛。若不樂聞達，寡欲知足，內無所得，外無所求，虛懷曠達，坦然自在，正好攝心念佛。若解法性寂滅，法順於如、法住實際、法界一相、法無行處、則妄念不流，正好攝心念佛。

念佛而沒有妄想，即是無所住、即是不生、即是止、即是定、即是寂。念佛而字字分明，即是而生其心、即是不滅、即是觀、即是慧、即是照。故一心念佛，沒有妄想，而字字分明。就是無所住而生其心、就是不生不滅、即止即觀、即定即慧、即寂即照。

禮佛時，觀想自身在蓮華中作禮，佛在蓮華中受我禮敬。念佛時，觀想自身在蓮華中念佛，佛在蓮華中接引於我，阿彌陀佛眉間白毫相光，注照我頂。

觀無量壽佛經，十六觀中，觀佛最要，當觀阿彌陀佛，丈六金身，立寶池蓮華上，威德無比，白毫明

徹，垂手接引，身有三十二大人相，八十種隨形好。

觀無量壽佛經云：觀無量壽佛者，從一相好入，但觀眉間白毫，極令明了。見眉間白毫相者，八萬四千相好自然當現。

寶池蓮華放各色寶光，寶樹羅網，珍鳥化禽，咸宣法音，樓閣寶池，金地階道，七寶莊嚴，坐臥經行，如在目前。

多生父母眷屬以及眾生，常圍繞於我，隨我一同拜佛，聽我誦經念佛。我將所作功德，悉皆回向多生父母眷屬及一切眾生，速得往生阿彌陀佛極樂世界。

自念漂流業海，迷途久闇，生死海深，菩提路遠，唯淨土可歸，唯念佛可靠。當生死心切，不稍鬆懈，直至廢寢忘食，念念佛號，皆回向西方。但念阿彌陀佛，即是無上深妙禪。六字洪名萬德具足。一心念佛六度齊備。

經云：思地獄苦，發菩提心。每想地獄苦，則毛骨悚然。地獄不可不懼，淨土不可不修。

觀乎人間的屠宰場，全地球每天有無量眾生慘遭殺害，不就是眼前的地獄麼？地球上所有菜市場，眾生屍體林立，以供眾生噉食，不就是眼前的地獄麼？

眾生為貪口福，家家戶戶殺生害命，即所食為過去父母未來諸佛，亦所不忌。眾生顛倒造諸惡業，不就是眼前的地獄麼？地球上復有種種災疫戰禍一切苦難，整個人間不就是可懼的地獄麼？吾人當以大智大悲的精神，實踐自覺覺他發菩提心，為菩提道而念佛求生淨土也。

印光大師云：念佛要作將死想，將墮地獄想。以怖苦心至誠懇切念佛，一念至誠，則一念入佛果海，念念至誠，則念念入佛果海。

念佛之境，孤寂最佳。若遇靜處，尤宜至誠懇

切，一心高聲念佛，妄念自無隙可趁，即是以念佛心遣除妄想心也。

日用應緣，應畢即捨。若順逆苦樂現前，務保持念佛一念心，不隨境轉。越於妄念起時，越提起念佛。久之自能淨念相繼。

念佛之人當生至誠心、恭敬心、深信心、慚愧心、懺悔心、慶幸心、悲痛心、感激心、求悟心、怖苦心、報恩心、度生心、悲憫心、警策心、持戒心、精進心、清淨心、迴向心。

總統蔣公嘉言：不誠則天下無能成之事，至誠則

天下無不成之事。

印光大師云：世間事事，均須以誠而成，況持經念佛，欲以凡夫身，了生脫死，超登佛國，不誠而能得乎。又云：淨土法門，別無奇特，但要懇切至誠。

又云：攝心之法，莫先於至誠懇切。此所以當生至誠心也。

十方諸佛菩薩，皆從凡夫修成，諸祖前賢，亦早登覺岸。而我仍是生死凡夫，耽染塵勞不求解脫，能不慚愧麼？阿彌陀佛為我發願立行，以大悲願力攝護信心，期我趣向菩提，歸於如來覺海。而我悠悠終

年，心遊放逸，虛棄光陰，不知精進以報佛恩，實違彌陀行願之旨，能不慚愧麼？過去生中，無量父母眷屬，皆在苦難中，期待我予以救度出苦，而我沉淪迄今，不知自行化他拔濟苦難以報父母恩，能不慚愧麼？我自無始以至于今生，所作惡業無量無邊，若不至誠懺悔者，何能期生佛國高預海會？此所以應生慚愧心及懺悔心也。

古德云：千百年來碗裏羹，冤深如海恨難平；欲知世間刀兵劫，但聽屠門半夜聲。人與一切畜道眾生，形體雖殊，但靈明覺知之心則同。以六道因果輪

轉原理來說，一切眾生悉皆平等。豈可恃我之強，趁牠身陷惡道之危，而食彼之肉？豈可將美味享受，建在眾生的痛苦上？諸惡業中唯殺業最重，諸痛苦中唯殺戮最慘。人間浩劫，究其成因，乃久遠以來眾生共業所感。故肉食素食，繫乎世間之治亂也。何況一切眾生從無始來輪迴六道，皆互為父母六親眷屬，豈可隔世便互相殺食？一切眾生皆同具佛性，豈可殺食未來諸佛？眾生愚闇，妄以享受美味為有福，豈知諸天視為吸膿血噉死屍，而臭穢殘忍有損慈悲心的麼？豈知因果旋轉命還報，而輪迴無期不得解脫的麼？智

者於此思惟觀察，則慈悲心、戒殺心、怖苦心、求悟心、報恩心、度生心、警策心，皆油然而生矣。

當念眾生從無始來，惑業果報流轉生死。我應發心拔濟苦難，大悲為體。怨親平等。眾生為我。我為眾生，勤修功德。普皆回向。願諸眾生戒除殺業，永離浩劫。常得安樂。願諸眾生發菩提心，慈憫物類，增長福慧。普勸念佛求生淨土，盡此報身，皆登九蓮。

## 八、結語

一切教典，皆為契合不同之根機，使各深入一門，得以返本還源，而顯本具之覺性，皆為離念歸於真如。經論雖浩瀚，但無量義理，無不從真如理體流岀，無不還歸真如理體。故融會貫通無量義，悉皆會歸寂滅性海，自性寶藏，以徹悟本源為究竟。復起於大悲，攝化眾生，圓修圓證，成無上覺。百千行門，皆是同此修行大原則，任何宗系，皆為顯此大覺圓明體。十方諸佛與阿彌陀佛亦皆同此宗旨也。

欲證無生圓菩提，除非過去已多劫漸修，宿熏道種。否則須準備無量劫的修行，猶恐未能成就。欲走穩當途徑，唯有發大誓願，為菩提道求生他方佛淨土。而十方佛土中，唯西方彌陀淨土，最具殊勝方便，以種種莊嚴，事事微妙，廣攝眾生。以與娑婆緣深，當發願念佛往生極樂世界，蒙佛授記之後，回入五濁惡世，善說法要化利有情，與苦海眾生同圓菩提也。

般若為一切經論之中心，淨土為一切法門之歸宿。念佛而解悟般若深妙理趣，則助發勝智，獲生上

品。蓋淨土九品，乃以般若慧解之深淺，及發心之廣狹，以為準則也。大丈夫當上求大覺下化有情，依最上乘發菩提心，方與阿彌陀佛四十八願相應，方與諸佛菩薩最初發心相契。菩提心是十方諸佛之所從出，是三藏教典所指標之大道。是故吾人發心自覺覺他，唯信願持名求生淨土，仰彌陀慈誓之攝護，不但穩捷速證無生，亦復超越多劫圓滿菩提。

可知徹證聖智與度生悲願是目的，是菩提道。念佛求生淨土，是達成目標的唯一途徑，須透過淨土，方能成就菩提。也就是般若與淨土，乃密切關連，不

可分離（欲得念佛三昧，必解般若空義。欲證實相般若，必須求生淨土。欲授記之後廣度眾生，必依般若波羅蜜多）。又如斷生死流、解惑去縛、離相見性、遣妄歸真、解脫自在、入佛知見、深入無生、廣行四攝、清淨戒行、體用一如、利樂饒益、行菩薩業、無一不是依般若為導。心經云：三世諸佛，依般若波羅蜜多故，得阿耨多羅三藐三菩提。故謂般若為諸佛之母也。

佛曆二五二〇年四月 定熙余紹坡纂述於新店寓所

## 蕩益大師示念佛法門

念佛法門，別無奇特，只深信力行為要耳。佛云：若人但念彌陀佛，是名無上深妙禪。天台云：四種三昧，同名念佛，念佛三昧，三昧中王。雲棲云：一句阿彌陀佛，該羅八教，圓攝五宗。可惜今人，將念佛看做淺近勾當，謂愚夫愚婦工夫。所以信既不深，行亦不力，終日悠悠，淨功莫剋。設有巧設方便，欲深明此三昧者，動以參究誰字為向上。殊不知現前一念能念之心，本自離過絕非，不消作意離絕。

即現一句所念之佛，亦本自超情離計，何勞說妙譚玄。

祇貴信得及，守得穩，直下念去，或晝夜十萬，或五萬三萬，以決定不缺為準。畢此一生，誓無變改。若不得往生者，三世諸佛便為誑語。一得往生，永無退轉，種種法門，咸得現前。切忌今日張三，明日李四。遇教下人，又思尋章摘句。遇宗門人，又思參究問答。遇持律人，又思搭衣用鉢。此則頭頭不了了，帳帳不清。豈知念得阿彌陀佛熟，三藏十二部極則教理，都在裏許。千七百公案，向上機關，亦在裏

許。三千威儀，八萬細行，三聚淨戒，亦在裏許。真能念佛，放下身心世界，即大布施。真能念佛，不復起貪瞋癡，即大持戒。真能念佛，不計是非人我，即大忍辱。真能念佛，不稍間斷夾雜，即大精進。真能念佛，不復妄想馳逐，即大禪定。真能念佛，不為他歧所惑，即大智慧。

試自簡點：若身心世界猶未放下，貪瞋癡念猶自現起，是非人我猶自挂懷，間斷夾雜猶未除盡，妄想馳逐猶未永滅，種種他歧猶能惑志，便不為真念佛也。要到一心不亂境界，亦無他術。最初下手，須用

數珠，記得分明，刻定課程，決定無缺。久久純熟，不念自念，然後記數亦得，不記亦得。若初心便要說好看話，要不著相，要學圓融自在，總是信不深，行不力。饒汝講得十二分教，下得千七百轉語，皆是生死岸邊事。臨命終時，決用不著。珍重！

學不厭  
教不倦



是心是佛  
是心作佛



不 欣  
樂 在 世  
正 語

無量壽經句

不為自身求

安樂

但為

眾生

得離苦



一九九一年元月

淨空書



# 佛陀彌阿無南

回向偈

願以此功德  
莊嚴佛淨土  
上報四重恩  
下濟三途苦  
若有見聞者  
悉發菩提心  
盡此一報身  
同生極樂國

## 從根本佛法談解行 又名心性原理學

倡印者—淨空法師  
敬贈者—香光淨宗學會

電話：(02) 851-10955  
傳真：(02) 851-10953  
地址：新北市三重區中興北街179號1樓  
網址：[www.hsiangkuan.org](http://www.hsiangkuan.org)

E-mail:[hsiangkuan@hsiangkuan.org](mailto:hsiangkuan@hsiangkuan.org)

淨空法師—淨空法師專集網站 <http://www.amtb.org.tw>

淨空法師專集簡體網站 <http://www.amtb.cn>

淨空法師英文網站

<http://www.chinkung.org>

排版承印—和裕出版社 (06) 24540111~7

中華民國一〇五年元月恭印壹仟本結緣

佛曆二五六〇年

版權開放，歡迎翻印，上傳網路，功德無量，免費結緣，敬請愛護珍惜  
註：本會已陸續將所印製之法寶，轉成電子檔，請自行至本會網站下載

真誠 清淨 平等 正覺 慈悲

看破 放下 自在 隨緣 念佛



本會法寶・免費結緣・絕無託人募款義賣・敬請明察・愛護珍惜

Printed in Taiwan (This book is not to be sold.)  
FOR FREE DISTRIBUTION